

Der erst taylor.

vnd stoss in einem Möser mit kern vnd all / Nym seygen vnd wein-
ber auff ein essen / nym weysß Brot schnitten / die weich in wein / tempe-
riers durch einander / streichs durch ein tuch mit andern wein / mach
es nicht zu dick noch zu dünn / thu ein steublein melbs darein vnd
schmaltz / thu es durch ein pfann / zerreyß es gar wol dierweyl es seud-
als ein ander muß richt es an vnd see lauter schmaltz vnd würtz dar-
auff / trag es dann also für. Vnd also magst du auch Amereln / weyg-
seln / Erdber müser machen. Vnd rotter wein zimbt darzu Bass dann
der weysß / Vnd das steublein melbes sol man vorhin wol mit dem
wein zwern ee man das darein thut / dann rür es gar wol bis es ges-
seud / so musset es sich gar wol / vnd steet gar schön.

¶ Das. xxxi. Capitel.

¶ Item wilt du gerennet milch machen / Nym Reyß vnd stoss den
Klein / schlag in durch ein siblein / nym geschelt Mandelkern / stoss sie
wol vnd mach milch / die besten sey ab / vnd nym die andern / setz
sie zum feror / Bewars das sie nit vber gee vnd anbrinne / thu das reyß
mel darein ee das die milch heysß werd / mach darauß ein dickes müß-
lein / schüt es darnach in ein feuchte schüßeln / laß kalten / schneyde es
in stück weckleins weysß / vnd leg es in ein andere schüßeln / so nym
dann die dicke milch von Mandel milch / geuß die darüber / bestocke
das mit Mandel / vergult oder geferbt.

¶ Das. xxxii. Capitel.

¶ Zie lere ich vergulden / muß oder was es ist / von gebratnem oder
gebachnem. das kalt ist. Mach ein klein hönig wasser / bestreich die
metall damit / vnd scheuß das gold oder silber darauff als naß / vnd
trucke es mit baumwollen zu / wo es nit gleich ligt. Du magst leck-
kuchen oder ander sach also vergulden / sunst tang kein ander assit zu
essenden dingen. Mach ein hültzen scher / damit du das gold hebest /
vnd rür das mit plosser handt nit an / es verdirbt anders.

¶ Das. xxxiii. Capitel.

¶ Item ein blawes muß mach also vō mandel von reyß. Stoss korn-
plumen gar wol mit wasser / trucke durch ein tuch / das behalt / stoss
mandel mit dem selben wasser / vnd zwing es aber durch / so hast du